



SALA STAMPA DELLA SANTA SEDE **BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHLS
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0491

Sabato 02.07.2016

Lettera del Santo Padre all'Inviato Speciale alla solenne Celebrazione Eucaristica a Szombathely – ex Sabaria (Ungheria) in occasione del 1700° anniversario della nascita di San Martino di Tours (9 luglio 2016)

In data 21 maggio 2016, è stata pubblicata la nomina dell'Em.mo Card. Dominik Duka, O.P., Arcivescovo di Praga, a Inviato Speciale del Santo Padre alla solenne Celebrazione Eucaristica che avrà luogo a Szombathely (Ungheria) il 9 luglio 2016, in occasione del 1700° anniversario della nascita di San Martino di Tours.

La Missione Pontificia che accompagna l'Inviato Speciale è composta dai seguenti ecclesiastici:

- Rev.do Mons. Gábor Mohos, del clero dell'arcidiocesi di Esztergom-Budapest, Segretario Generale della Conferenza Episcopale Ungherese;
- Rev.do Don Balázs Levente Martos, del clero della diocesi di Szombathely, membro della Pontificia Commissione Biblica nonché docente di Teologia biblica e formatore del Seminario di Győr.

Pubblichiamo di seguito la Lettera del Santo Padre all'Em.mo Card. Dominik Duka, O.P.:

Lettera del Santo Padre

Venerabili Fratри Nostro

Dominico S.R.E. Cardinali Duka, O.P.

Archiepiscopo Metropolitae Pragensi

Sanctus Martinus Turonensis iure meritoque pater pauperum appellari potest, qui *necdum regeneratus in Christo, agebat quendam bonis operibus baptismi candidatum, assistere scilicet laborantibus, opem ferre miseris, alere egentes, vestire nudos, nihil sibi ex militiae stipendiis praeter cotidianum victum reservare: iam tum Evangelii non surdus auditor de crastino non cogitabat* (Sulpicius Severus, *Vita S. Martini*, 2,8). Cum ergo

media hieme in porta Ambianensium civitatis pauperem nudum vidisset, eiusque miserendo parte sui chlamydis eum operuisset, ipse Iesus coram angelis eximiam caritatem eius laudavit (*ibid.*, 3,1-4).

Sed hoc tantum modicum prooemium fuit diuturni fructuosissimi apostolici ministerii, quod multis in Europae regionibus indefessus hic miles Christi perfecit, admirabilem habens *interiorem vitam et conversationem cotidianam, animum caelo semper intentum, perseverantiam et temperamentum in abstinencia et ieiuniis, potentiam in vigiliis et orationibus* (*ibid.*, 26,2), in cuius ore semper inerat Christus, in corde pietas, pax et misericordia (cfr *ibid.*, 27,2). Haud mirandum igitur est Deum huic Episcopo magnam praestitisse animi virtutem, qua constanter eiciebat daemonia et plurima operabatur miracula, multos populos ad catholicam fidem conducens.

Quapropter laeto sane animo recenter novimus in dioecesi Sabariensi - eadem scilicet in regione, ubi ipse Sanctus natus est - elapsis septemdecim saeculis ab eius ortu, sacros Pastores et populum christianum sollemniorum Eucharistiam in honorem sancti Martini die IX proximi mensis Iulii hoc Anno Misericordiae celebrare. Quod eventum valde favere potest, ad instar huius Sancti, caritati erga pauperes et indigentes augendae, catholicae fidei roborandae et novae evangelizationi in Europa incohandae.

Cupientes autem eidem Nos quoque tribuere decorem, simulque populi ipsius terrae probatam confirmare fidem, apostolico ardore ab eo quondam divulgatam, sine haesitatione accepimus petitionem, quam simul subsignaverunt Venerabilis Frater Noster Petrus S.R.E. Cardinalis Erdő, Archiepiscopus Metropolita Strigoniensis-Budapestinensis et Hungariae Primas, necnon Praeses Consilii Conferentiarum Episcopaliū Europae, atque Venerabilis Frater Andreas Veres, tunc Episcopus Sabariensis et Praeses Conferentiae Episcoporum Hungariae, qui humane a Nobis poposcerunt ut Patrem Purpuratum illuc mitteremus qui memoratae celebrationi digne praesideret et singularem huius Pastoris magnitudinem congrue extolleret. Ad te autem fidentes recurrimus, Venerabilis Frater Noster, qui ipse pius et sollicitus gregis tui es Pastor atque actuositate pro universali Ecclesia singularem te confirmasti Romani Pontificis cooperatorem ideoque his Litteris te **Nostrum Missum Extraordinarium** ad memoratam legationem die IX proximi mensis Iulii explendam destinamus.

Liturgicis ergo celebrationibus sollemniter Nostro nomine Sabariae praesidebis Nostramque benignam omnibus significabis salutationem. Populum hortaberis ad constantem erga sanctum Martinum devotionem, ut ipse a Domino plurimas imploret gratias uti rectam vitam, eximiam caritatem, omnium iniuriarum veniam et intrepidam Christo Domino fidelitatem. Sed Episcopos quoque ad eius zelum pastorem imitandum invitabis, quoniam salus animarum suprema lex est.

Denique per validam intercessionem sancti Martini Turonensis Benedictionem Nostram Apostolicam tibi, Venerabilis Frater Noster, peramanter impertimus, dilectis Pastoribus et Christifidelibus dioecesis Sabariensis, civilibus auctoritatibus cunctisque faustam hanc celebritatem participantibus copiose communicandam, dum orationes poscimus pro Nostro summo ministerio fideliter exercendo.

Ex Aedibus Vaticanis, die XXVII mensis Maii, anno MMXVI, Iubilaeo Misericordiae, Pontificatus Nostri quarto.

FRANCISCUS

[01141-LA.01] [Testo originale: Latino]
